


MAHEBERU, KAUHANYO YABUBELI ¹

 ...-tabo, ne nili mwa sitopa mo mi ne ni ikozi luli...
[Hakuna manzwi fa tepu—Mu.] Mi cwale Buka ya pili ya Maheberu, ki Paulusi, ye lufumani, kamba lwa lumela. Baituti ba zabalapeli ba kwa mafelelezo; ha ba zibi kuli ki siemba sifi, kamba ki mañi ya na I ñozi. Kono, Na lumela, kaufela yana ni temuho ye nyinyani ya moya wakona kubona kuli neli Paulusi. Ki—ki mo kulumelelwa cwalo, ki bañoli ba bañata hahulu, kuli ki Paulusi. Mane ni kuli na . . .

² Mwa kauhanyo ya 1, lu fumana kuli ne itunafaza Mulena Jesu. Oh, mwa na itiselize fafasi, kubonisa ka—ka kutwisiso ya na bile ni yona mwa musipili wa kuya kwa Damaseka. Cwale, Paulusi nali cwalo, ka kukala, muituti wa niti wa za bulapeli. Paulusi nali mwatasa Gamaliele, alimuñwi wa baluti ba likwala zende za lizazi la hae. Mi nali ya butali ni ya talifile luli, mi nali muituti ya bunangu luli wa Bibeles.

³ Mi Ni fumani se, ha nali fa musipili wa kuya kwa Damaseka, ni mañolo mwa pokoto ya hae, ku yo swala ni kutama bani kaufela bene bali mwa nzila ye fuyozwi ya kale ya Evangeli, mi muuna wateni na sepahala. Kono, Ni bile ni lumela kamita kuli haibile Paulusi na boni Setefani ha shwa, Ni sepa sani ne si mu katalize maswe. Ha na lumelani mwa lifu la Setefani, ni kuswala liapalo za bene ba mu pobaula ka macwe, ka seo Paulusi a ba ni mulatu wa kusulula mali a Setefani. Mi a paka, ni kubulela kuli, “Na mane ha ni swaneli,” ali, “kakuli Ni suluzi mali a ba Hae—a ba Hae, a mubulaiwa, Setefani.” Kakuli, na iponezi sona.

⁴ Mi haiba uba paki ya sika kaufela, una ni mulatu fela mane inge kuli u ngile siemba ku sona. Kacwalo haiba lu paka sika, inge kuli, “Oh, eeni, ne ba sa lukeli kueza sa kuli, mukete wa *kuli-ni-kuli*,” u tokomele so bulela, kakuli una ni mulatu ka mukwa wo katulo ya hao ifelwa. Haiba haukoni ku iketela, usike wa bulela sika, si tuhele fela ona cwalo. Mi ha u ka paka kuli u Mukreste, kona kuli una ni mulatu. Mwabona? Una ni mulatu wa kuba Mukreste, mi ulukela kupila ona cwalo. Mi cwale Mulimu ha fa se—se Sepiso mwa Bibeles. . . Ni bona muuna fa mwa sipula sa mawili. Mi Mulimu ha fa Sepiso, Una ni mulatu wa Sepiso yani haiba Ha I talelezi kuli iezahale. Mulimu una ni mulatu Ha fa Sepiso. Mi ni Mañolo ana ni mulatu konji A talelezwe. Mwabona? Aba—Aba ona cwalo sina—sina manzwi a bulezwi ki Mulimu. Mi Ana ni kutalelezwa ku si cwalo Mulimu uba ni mulatu. Mwabona?

⁵ Mi kacwalo Paulusi, kakuba muluti, ni kutaha mwa musipili wa hae kuliba kwa Damaseka zazi lani, mwendi, mwahala musihali tuna cwalo, Na sepa. Nekuna ni Liseli lelituna le ne li benyize kuzwa mwa Lihalimu, mi La mu eza sibofu, mi ki—ki ha wela fafasi. Ni ku bulela kuli na bata kuziba kuli Neli mañi yani. Na bulezi kuli Linzwi ne li bulezi, mi lali, “Saule, Saule, kiñi so Ni nyandiseza?” Ni lumela kuli ki kauhanyo ya 8 mwa Likezo.

 Mi ki hali, “Ki wena Mañi yo Ni nyandisa?”

⁶ Mi Linzwi la kuta ku yena, mi lali, “Kina Jesu.” Oh! “Kina Jesu, mi kutata kuli u lahake kwa miwayo.” Mi Jesu nali sikamañi ka nako yani? Jesu, Nali Liseli, inge Liseli fela lelituna le li benya hahulu.

⁷ Cwale kwa ku lu susueza kuli lube ni makalelo fa. Na Li cwani Liseli, kanti inge Ali Mutu? Cwale, hakuna ni yomukana . . .

 Nekuna ni sikwata sa masole bene bali ni Paulusi, balibeleli ba tempele, bene baya ni yena ku yo tama batu. Paulusi neli yena kapitao yomutuna. Mi ne baya kwani ku yo tama sicaba sani, kwa mikopano ya bona ni zeñwi cwalo, ni sepo ya bona ya bulapeli yeneli mwahala bona.

⁸ Kono, cwale, ki yo Jesu nali fa sina Liseli lelituna. Cwale, haiba mu hupula, kwa simuluho, Jesu nali Liseli. Jesu nali lumonyi lwa Logos lone lu zwile ku Mulimu. Mi Nali yena . . . Na li Lingeloi la Bulikani lene li zamaisize bana ba Isilaele mwa lihalaua. Mi Nali yena Siita sa Mulilo sene ba talimela. Mi Nali yena . . . Mi ha Nali fa lifasi fa, Naize kuli, “Ni zwile ku Mulimu, mi Ni kutela ku Mulimu.” Kacwalo haiba Na zwile kwa Siita sa Mulilo, kutaha ku Mutu, mi haiba Na kutezi ku sa Nali sona, Na kutezi kwa Liseli hape. Mi Nali fani ka nako ya Mu bona Paulusi, Nali yena Liseli.

⁹ Cwale, masole bani kaufela bene bali ni Paulusi ne ba si ka bona Liseli lani. Kona kuli kana kwa konahala kuli alimuñwi a Si bone mi babañwi ba palelwe ku Si bona? Luli. Ku lukile. Yena, Paulusi, na Li boni, kono babañwi ba bona ne ba si ka bona Liseli lani.

¹⁰ Cwale, mi Pitrosi hanali mwa tolongo, lu fumana kuli Liseli le ne li tile mwa tolongo, la kwalula minyako. Mi nali yena . . . Liseli Lani lene li foufalize balibeleli babañwi, sina ha ne ba zamaya cwalo, Pitrosi na zamaya. Mi ha na fitile fa sikwalo, ne si ikwaluhezi fela sona siñi, ka kukuza, sa ikwala kwa mulaho wa hae. Azwa mwa tolongo ya mwahali, a ya kwa sikwalo sa kwande. Ne si ikwaluhezi sona siñi, ni kukwala ka kukuza. Mi cwale ki ha ya mwa pakani, a zwela kwanda kuliba mwa mukwakwa. Mi a itiinya mwa meeto, inge kubulela kuli, “Kana Ne ni lola nji?” Na sa zibi sene si ezahalile. Kono, Lingeloi la Mulena, lona Lingeloi leliswana lene lili Siita sa Mulilo sene si zamaile ni Mushe kuliba kwa liwate ni kukwaluha, oh, ni

Liwate Lelishwile. . . Liwate Lelifubelu la yema sina mamota kwa maneku amabeli, mane Isilaele a silela mwabuse.

¹¹ Mi hane tile fa Jordani yene bayuzi, Na si ka iponahaza ili Yena kwani. Kono Nali teni fani, kakuli Na ikwaluzi fela kuatama. Mi ba silela mwabuse ka kweli ya Lungu, kanti mabala kaufela ba bayuzi fela mezi. Mi ki Ha kuzisa maweluwelu, mi A kuzisa litwa kuli li si ke la shengunuka, kakuli ne li si ka yema sina limota mwahalimu ni kupahama hahulu mwahalimu; ne iyemi fela. Yani ki yena Jehova waluna. Yani ki Yena Mulena luna Jesu. Na yemi fela; mi ba sila kuhata fa mubu o omile.

¹² Cwale, Mulimu na sepisize kuli Na ka ba babalela, kacwalo Na zamaelela ni Sepiso ya Hae. Cwale, Paulusi, ka kuziba lika ze, ni ku ba ziba, na na ni lithonolo, kakuli Mulimu na bulela hande kulibana ni Paulusi. Na sa buleli kwa masole bene bali ni yena. Na bulela fela ku Paulusi.

¹³ Cwale, mi cwale—mi cwale Lingeloi la Mulena ha ne litile fafasi, mwa mufuta wa naleli; ni babali ba linaleli, baana baba butali ba India, mi, ba bona Liseli lani ni ku Li latelele ka limaili ze mianda anda. Mi La ya kukena mwa libaka za lipatisiso kaufela, kakuli ne ba buluka nako ka linaleli. Mi hakuna ya na boni Liseli kwanda baana baba butali. Oh, mawi! Kana seo ha si mi utwisi hande? [Kopano ili, “Amen.”—Mu.]

¹⁴ Mi, mwa bona, Mulimu ha beleki ni likopano. Ha beleki ni likwata za batu. U belekisana ni mutu anosi. U ipatululanga liiyena ku mutu anosi. Mi cwale—cwale ka kubulela se, isiñi se. . . Mulimu wa ziba pilu yaka. Mi ha ki kubulela se ka butu bwaka, kuitumbaeta kwa butu; cwale, ka kuba fela fani. Kono, kana mwa ziba, yena Mulimu yaswana yani, yena Jesu yaswana yani, uinzi ni luna kakusasana cwana? Kana mwa ziba, mañi ni mañi wa mina una ni bupaki nyana, ka kuba mutu anosi ka zeo ona fa cwana, kuli Uteni mo nji? Mi ki. . . U lu ezelize mwa lizazi le ili za Na si ka eza mwa mazazi asili kaufela; U bile ni Siswaniso sa Hae se si swanisizwe mwa lizazi le. Luna ni Sona sa lepelela *fani*. Mwabona? Siita sa Mulilo, yena Mulena Jesu ya swana.

¹⁵ Mutalimele cwale mo Abelekela cwale. Haiba ki yena Mulena Jesu yaswana, Uka eza lika zeswana, kakuli Bibebe ibulela kuli, “Wa swana maabani, kacenu, ni kuyakuile.”

¹⁶ Cwale, fani Paulusi a si ka zibahalisa kale sika kaufela, kamba se ne si fosahalile kamba nee, naile pili kwa Egepita ni a yo feza lilimo zetalu kwateni, ku yo batisisa haiba neli za Mañolo kamba kutokwa. Kana mwa ziba cwalo? Kasumulaho wa sikuluho ya Paulusi, naile kwa Egepita ka lilimo zetalu. Aina ona kulo kwani, mi kwani kona kwa na itutile butali bobutuna boo.

¹⁷ Cwale, ha ki ka kuswanisisa kwa sika kaufela, Ni mi fa fela Moya o Kenile mo u inela uli o swana. Cwale, keleke ya ka mo ya hupula, lilimo za kwamulaho, fani Lingeloi le hane li bonahala ni kubonisa lika ze. Ne ni kakanyanga nyana ka

Zona. Kaufela mina mwa ziba cwalo, mina ba kale. Haiba mu . . . Haiba ki niti yeo, munanule mazoho a mina, haiba mu utwile. Eehe. Mutalimele, mutalimele fa keleke, ibo, ki kuzwa ku bakale. Mwabona? Ne ni kakanyaya, kakuli bakutazi ne ba ni bulelezi kuli Neli za diabulosi. Mi se Ni li lumela, kono Na libelela. Ne ni sa buleli sika ka Zona.

¹⁸ Kono, oh, kufuyolwe Libizo la Mulena! Busihu bulibuñwi, kwani, A taha fafasi, ali Lingeloi, mi a Li patulula mwa Mañolo, kuli Na li cwalo. Mi hane Ni Li boni mwa Mañolo, ni ku patalaza mwahala lifasi ka Lona, neli Liñusa.

¹⁹ Kuzwa mani kutahile bo Oral Roberts, A. A. Allen, Tommy Osborn, Tommy Hicks, ni babañwi kaufela. Mwabona? Ki Liñusa kwa sicaba.

²⁰ Mi Jesu ki ya swana maabani, kacenu, ni kuyakuile. Ki za Mañolo, Yena wa swana. U ezanga ze swana. Yena ki ya swana. Mi U beleka ka kuswana. U iponahaza Iliyena ka kuswana. Mi Uteni mo, kakusasana cwana, ka kuswana. Cwale lwakona ku Mu bona; hakulata ha lukoni. Seo kaufela sili sona, luna ni paki ona fa cwale kuli U teni mo.

²¹ Cwale, lu fumana cwale kuli, Paulusi, fa kutwisiso ye, ni kuñola mañolo aa, buñata bwa ona, nali mwa tolongo, na bapanyize kwa Testamente ya Kale ni Yenca. Cwale muhupule, muñoli wa mafelelezo wa Bibe ye, ka susumezo, Mulimu ataha fafasi ku to mu bulelela kuli, “Haiba mutu kaufela aka ekeze sika kwa teni kamba kuzusa sika kwa Teni, ni yena ku ka zuswa siemba mwa Buka ya Bupilo, sa hae.” Kacwalo lu lukela kusaba ku ekeza sika kwa Teni. Oh, Li lukela kuina mo Li inezi ona cwalo, hakuna ze lukela ku ekezwa ku Lona. Mi lu lukela kulwanela lika kaufela zeli ku Lona. Ha ni lati za ku ekeza, mi ha Ni lati za ku zusa kwateni. Ni bata ona cwalo fela se Li bulela.

²² Cwale, Buka ye ya Maheberu, libaka le Ni I ketezi; libaka liliñwi, nto iliñwi; liñolo le, “Muzwale yomunde Branham,” ni zeñwi cwalo. Mi, Na—Na, lu bata kupila ni Linzwi.

²³ Cwale, kauhanyo ya 1, na sweli kutunafaza Jesu, kacwalo ki Yena Yomutuna ya liteni. Mi Paulusi u lu zibisize, busihu bo buñwi, kuli Nali kwa simuluho. Mi lu fumana kuli Na si usili fela kwanda kuba “Melekisedeke, ili Mulena wa Salema,” Yomutuna wa kauhanyo ya 7.

²⁴ Mi cwale, kakusasana cwana, lu Mu atumela kuzwa ka mayemo asili—asili hape, kuzwa mwa kauhanyo ya 2. Cwale, kasamulaho wa Paulusi ku lufa Liñusa lelituna, le linde le, la ku tunafaza Jesu, “Mane aeza ni Mangeloi ku Mu kubamela.” Mi Na sepa, kulo mo, sina lifasi, mo li bezi za kale: “Mi U ka li puta sina sapalo, kono ba ka yunda, kono Wena u siyala cwalo.”

²⁵ Mwa kauhanyo ya 2, kamba, timana ya 2, Na lumela ki yona, “Sina Yena mwa bulelezi ku luna ka Mwana Hae.” Mi, mutalimele, “Linako za ikale ni ka mikwa ye miñata U bulezi ka

bapolofita.” Lu fitile ku zona mi lu fumani seo bapolofita nebali sona, ni ka mo Mulimu na tisize Liñusa la Hae ka bapolofita. “Kono mwa lizazi le U bulezi ka Mwana Hae, Jesu, ka Moya o Kenile. U bulezi ka bapolofita, kanti.” Mi lwa kuta mwa mulaho ni kufumana kuli, bapolofita bani kaufela nebana ni Moya wa Kreste ku bona.

²⁶ Lu kutezi hape ku Josefa ni kufumana kuli na swanisiswa fela ku Kreste. Lu kutezi ku Mushe mi lwa fumana kuli na swanisisa fela ku Kreste. Mi ki ha lu shetumukela ku Davida. Mi cwale Davida ha na hanilwe mwa Jerusalema, ha sa zibi kuli kiñi, kono apahama lilundu ni kutalimela kwa mulaho, fa Lilundu la likota za Olive, mi a lilela Jerusalema kakuli na hanilwe. Lilimo ze mianda ye ketalizoho ka ye milalu kuzwa fani, Mwana Davida na hanilwe li Mulena, mwa Jerusalema, mi aina fa lilundu le liswana ni kulila. Oh, Moya wa Kreste, usebelisana ni mutu a nosi!

²⁷ Cwale, Paulusi ukalisa, kubulela kuli:

Kabakaleo lu lukela ku tokomela hahulu lika ze lu utwile, . . .

²⁸ Kauhanyo ya 2, cwale, lwa kala.

Kabakaleo lu lukela ku tokomela hahulu lika ze lu utwile, kakuli . . . lu ka suhana lwa latehelwa ki zona.

²⁹ Oh, Mulimu a mi konise ku utwa seo mwa tabernakele ye kakusasana cwana. Na lapela kuli Moya o Kenile u nwelise seo ka butungi mwa lipilu za batu. “Lu lukela kubeya tokomelo kwa lika ze lu utwile.” Lu swanela kuba batu ba mifuta ye cwani, ha lu bona Jehova yomutuna ha taha ku to eza lika Za ezanga, ni kulibona ha li swanisiwa, Mañolo ka Mañolo, kuli ki za Niti? Mi luina fokuñwi sina mbowa fa musumo, ni kuiseza ngana hahulu. Lu lukela kuba baba patehile, muzuzu kaufela, kulika kuise sicaba ku Kreste. Lu lukela kuba macwe a pila. Ha lu lukeli kuba baba londotoka sina mo lu inezi. Lu ya kwa kekeke, mi lu ka bona Mulena Jesu ha eza sika, kamba—kamba ku lu fuyola mwa nzila yeñwi, mi kihona lu ka—lu ka kuta mwa mulaho ni kubulela kuli, “Ki mukopano omunde luli.”

³⁰ Cwale, ku kutaza kwa Linzwi, lwa ikola lona, kono yeo ha ki yona taba yetuna. Ha ki cwalo. Ha lu lukeli kulapela Mulena ha lu feza fela kukutaza Linzwi, sina mo lu ezezanga, ku Mu lapela fela. Zeo ki zende. Lu lukela ku Mu lapela hola kaufela ya bupilo bwa luna. Ha luli kwa musebezi, lu lukela ku Mu lapela. Nako ifi kaufela kolo ha i fumaneha, mu lapele Mulena ka kupaka za Hae.

Haiba mu bona, babañwi ba mina likalibe, ha ubona musali mwa mafosisa, lapela Mulena ka kuambola ku yena kuli, “Kezeli, kuna ni bupilo bobunde kufita foo.”

³¹ Mina baana kwa misebezi, ha mu utwa mutu ya bulela ka Libizo la Mulena mwa mbango, mube ni nako ya kukuta kwa tuko, ni ku mu swala kwa lizoho, ni kubulela kuli, “Wena, kuna ni bupilo bobunde bwa kueza se. Ha u lukeli kuitusisa manzwi ao.” Mi mu mu bulelele ka nzila ye musa, nzila ya kuishuwa. Lika zani kaufela ki milapelo.

Mi cwale ha lu bona ya kula, mi dokota ubulela kuli hakuna ze kona ku ezahala hape, lu lukela kulapela Mulena ka ku mu bulelele kuli, “Kuna ni Mulimu wa Lihalimu ya alaba litapelo.”

³² Mi cwale ha lu bona lika zani ha li ezahala, ze lubonanga ha li nga sibaka ni kuezahala, ha lu lukeli kutuhela lika za ku lu bolomoka. Lu li tuhelela fela kupuya mwa minwana ya luna. Bwani kona butata bo bana ni ba keleke yetuna ya Pentekota kacenu. Ba siile za butokwa luli ku ba bolomoka mwa minwana, kanti ne ba na ni zona mwa mazoho a bona. Kono, mutalime sene ba ezize, ba ezize sina likeleke zeñwi kaufela. “Ba matile kuya ka mukwa- . . . ka nzila ya Kora, ni kushwa; ni ka nzila ya Kaine, ni kushwela mwa litaba ze sina tuso za Kora.”

³³ Ba onga ongile. Mwa sibaka sa kuba ni sizwale lu lukela kuba balibañwi, ne ba ikonga kongile. Ba eza likopano nyana ni tukwata twa kutwano, mi ba hula kuzwa fani ni ku ikaba mwahala sizwale. Mi ha mu sa tokomeli, ba Baptist ni ba Presbyterian ba ka li pamula, kakuli, “Mulimu wa kona ku zusa bana ba Abahama kwa macwe aa.” Mi lu—lu li tuhelezi kubolomoka mwa mazoho ka ku sa swalisana.

³⁴ Kana ma Indian ne ba latehisize cwani naha ye kwa makuwa? Kakuli ne ba si ka swalisana. Kambe ne ba ezize silelezo yetuna. . . Kono ne ba sweli kuitwanisa mwahala bona. Ne ba lukela kuyemela mubu wa bona kambe ne ba ka taha hamoho kaufela bona.

³⁵ Lu ka i latehisa cwani? Kakuli lu kauhani. Mo lu latehelwanga ki kutwisiso ya luna ni Mulimu, kakuli lwa kauhanyanga lika. Lu toma iliñwi, ni kubiza *se* kuli kiba—kiba Methodist, mi *ye* ki Baptist, mi *ye* ba Assemblies, mi *ye* ki Oneness, mi *ye* ki *isili fela*, ni ba church of God, ni ba Nazarene, ba Pilgrim Holiness. Lwa kauhanyo Mubili wa Kreste. Ha lu lukeli kuhauhana. Lwa kona ku shutana mwa minahano, kono ha lubeni mizwale kutamana pilu-ni-pilu. Mulimu ubata kuli lube cwalo. Na shwezi Keleke ya Mulimu kamukana. Mi ha lu lati kuli lu kauhane.

Cwale lu lukela kutokomela hahulu. . . kakuli lu ka suhana lwa latehelwa ki zona.

Kakuli haiba linzwi le li bulezwi ki mangeloi li bonwi kutiya, . . .

³⁶ Mwa Li utwa kana? “Haiba linzwi le li bulezwi ki mangeloi. . .” Cwale, *lingeloi* ki “muluiwa.” Linzwi lakuli *lingeloi* litalusa “mulumiwa.” Ni kufita fela, mwa buka ya 1

mo, “Mulimu, mwa linako za ikale ni ka mikwa ye miñata, u bulezi kwa bashemi ba luna ka bapolofita.” Bani neli balumiwa ba Mulimu. Mi nebali cwalo, haiba nebali balumiwa ba Mulimu, neli mangeloi a Mulimu. Mulumiwa ki lingeloi; kamba lingeloi ki mulumiwa, nitaluse.

³⁷ Mulumiwa! U mulumiwa, kakusasana cwana. U...U mulumiwa wa manzwi amande kamba mulumiwa wa makande a maswe. Oh, kana ha ki zende nji, kuziba kuli lu lindumeleti, kuli lu mangeloi, balumiwa ba zuho? Mi luna lu balumiwa ba Mulimu kwa lifasi la sibi, kuli Kreste wa pila. Mwa lipilu za luna, Wa pila. Mwa mioya ya luna, Wa pila. Mi U lutisa kuzwa mwa bupilo bwa ku sa iswala kwa sibi, ni ku lu hulisa, ni ku lufa “haleluya” mwa moyo wa luna, ni ku lueza kuba libupiwa zenca. Lu balumiwa, mangeloi a Bulikani. Ha ki bunde ni boo!

³⁸ Mi cwale, mwa Testamente ya Kale, “Haiba—haiba linzwi le li bulezwi ki mangeloi ne li bonwi kutiya,” ka nzila yani neina ni kuba hande. Mwa Testamente ya Kale, linzwi la mupolofita li si ka bonahazwa kale, ne li na ni ku tatubiwa. Ne ba sa pili ka busuleni ku lona, sina mo lubezi kacenu.

³⁹ Ku zwela fela fande ni kuba ni maikuto a mubili cwalo, kamba nto yeñwi kaufela, “Oh, kanya ku Mulimu, kipeto!” Mu lyangani.

Bibele ibulela, kuli, “Mwa mazazi a maungulo, diabulosi uka likanyisa Bukreste, hahulu luli, kufitela li ka puma nibona ba Baketilwe haiba ku konahala.” Yeo ki niti. Kacwalo, lu lukela ku li tatuba.

⁴⁰ Mi cwale ne ba li tatubile cwani mwa lizazi la bona? Kwa Urim Tummimu. Sibyana sa fa sifuba sa Aruni, sene si na ni macwe ku sona: a mafubelu a karbanko, jaspera, daimondi, rubi, safire. Macwe ani kaufela, sani si yemela kupepwa kwa ma patriareka baba lishumi ka ba babeli, na li mwa sapalo sa fa sifuba sa Aruni. Mi cwale mupolofita ha na polofita, mi ni Liseli la butokwa lani ne li monyeha fateni, Mulimu na bulela kuli, “Yeo ki Niti.” Kono, hakuna taba kamba iboahala cwani ya niti, haiba nelisa monyehi fateni liseli fateni, ne isi Niti. Kacwalo, yona Urim Tummimu ne li zamaya ni muprisita yani.

⁴¹ Kono Bibele ye ki Urim Tummimu ya Mulimu kacenu. Mi cwale mupolofita ha polofita, i lukela kulumelela hande ni Bibele. Mi, Mulimu uli, mi Utaha fafasi ku to Li paka.

⁴² Oh, kana Ni kona cwani ku kanyisa Mulimu kacenu! Ni hupula kwa mulaho la Sunda mwa mulaho kakusasana, ka nto ye, hane Ni zwa mwa tabernakele. Mi mina sicaba ne musweli kulila ni ku ni kupa kuli ni zamaye. Kono, mi, Ne ni kutalize ka za Davida ni Goliati, ni mo mu ka kopanela ni lifasi le li bata lani, le li sa tokomelo lika le li bulela kuli mazazi a limakazo a felile.

⁴³ Ne niize, “Kuna ni ngangalume yomutuna, mi haibile fela lukona ku mu bulaya, babañwi baba siyezi ba ka ba ni

bundume.” Mi Mulena a lumeleza sani. Mi cwale nekuna ni Oral Roberts ni Jagers, ni babañwi cwalo, a comola Mukwale, mi lwa lwanisa sila kuzwa mwa naha, ba kwale milomo ya bona. Habakoni kubulela kuli limakazo ha li ezahali, kakuli ki ze fa. Luli. Linzwi la Mulimu ki la Kuyakuile. Ne li monyeha fa Urim. Ne li monyehela fa Linzwi, yani ki Urim Tummimu ya Hae. Mi ha li monyehile Fateni, ne li la niti.

Ni ku mutu kaufela ya tokwile, haiba u muezalibi, u bata kuziba mwa ku pilisizwa, “U lumele ku Mulena Jesu Kreste.”

⁴⁴ Kacenu, luna ni lika zeñata hahulu ze muna ni kueza. “Luna ni ku kwalula makepe a manca. Mu lukela kueza se ni ku eza *sani*, fa kuli mu piliswe.”

Ni hupula mulibeleli wa tolongo wa mu Philippian, fani mulibeleli wa tolongo yo ha na buzize Paulusi kuli, “Ki sikamañi se Ni ka eza kuli ni piliswe?”

Ne i kaba wena kamba Na ne lu ka mi bulelela lika za lukela kueza kamba *kusa* eza. “U lukela kutuhela kunwa. U lukela kutuhela kulaula, za kulaula kwa hao. U lukela kutuhela se. U lukela kutuhela *sani*.”

Paulusi na si ka bulela cwalo. Na mu bulelezi fela lika za *lukela* ku eza. “U lumele ku Mulena Jesu Kreste, mi u ka piliswa.”

⁴⁵ Cwale, “Ya utwa Manzwi a Ka mi a lumela ku Ya Ni lumile una ni Bupilo bobusafeli.” Yani ki Urim Tummimu ye monyeha, Muhalalehi Joani 5:24. “Kina Mulena ya folisa matuku a hao kaufela.” Jakobo 5:14, “Mu bize babahulu, ba mu toze ka oli, tapelo ya tumelo ika pilisa ya kula.” Ki Urim ye monyeha. Mwabona? Lani kona Linzwi la Mulimu la Kuyakuile.

⁴⁶ Hanina taba kamba ki ba bakai baba sa lumeli, babali kwahule ni kuziba za bumulimu, ya kakanya hahulu, muhanyezi ya ka zuha. Mulimu uka yema ka Linzwi la Hae. Na sepisize kuli Uka eza cwalo.

⁴⁷ “Mi lu lukela kuiseza kwateni hahulu tokomelo kwa lika ze lu utwile, kakuli li ka suhana za lu bolomoka. Kakuli haiba linzwi lene li bulezwi ki mangeloi (ili bapolofita) li bonzwi kutiya. . . .” Nebali cwalo kana? Ne luka ina lisunda fa taba ye.

⁴⁸ Kana ne li tiile fani Mushe ha li bulela? [Kopano ili, “Amen.”—Mu.] Luli ne li tiile.

Kucwani ka Elia, inge ainzi fahalimu a lilundu? Mulena na mu bulelezi kuli, “Pahama fani, Elia. Ni ka ina fani ni wena; mu bata kopano yeñwi cwalo.” Mulimu utabela ku kopananga ni sicaba sa Hae. Kono haluna kuyema lwa li kukuza fa nako yetelele kuli A abulele ni luna. Lu patehile hahulu ni kumbambala fela, kuzwa sibaka se kuya kwa sibaka se, ni zeñata cwalo. “Ina ukuzize, Elia.” Na bata lilimo zetalu ni likweli ze silezi za kopano ya kutwano. Ha lu koni ku Mu fa mizuzu

yemilalu, kwapala. Lilimo zetalu ni likweli ze silezi za kutwani ka tundamo. Oh, Na lata sani! Ali, “U si ke wa bilaela ka za kutateha; lu ka ba ni zeo li ka lukiswa. Mañwalala aka ku fepa. Mi lika kaufela li ka ba fela hande. Ni bata fela kutwano yeñwi cwalo.” Yena mupolofita wa kale yo, Elia, inge ainzi fahalimwa lilundu lani, inge asweli ku ikambota ni Mulimu, kiñi, kapitao na bulezi kuli, “Na lumela Ni ka kambama ni mu nge.” Cwale, musike mwa lika ku lyanganisa kutwano.

⁴⁹ Kacwalo, kapitao ataha, ni mpi yetuna ya baana ye, baba mashumi aketalizoho. Mi ki hali, “Ni—Ni—Ni ti lo kunga, Elia.”

⁵⁰ Mi Elia a yema. Tokomela, ki yo mupolofita wa Mulena! Ki hali, “Haiba Ni mutanga Mulena, aku tahe mulilo kuzwa kwa lihalimu mi u ku cise.” Mi ki ha kutaha mulilo. Kapitao abulela . . .

⁵¹ “Oh, mwa ziba kana?” Mulena, nitaluse, naize, “Sani neli fela—fela mushika ni lumonyi, neli fela lumonyi lone lu fita, mi lwa ba cisa. Ni ka luma babañwi ba ba mashumi aketalizoho.”

⁵² Elia ayema, leliñwi la mangeloi, linzwi la hae li tiile. Nana ni kuba tifo ya lika kaufela ze ne fosahalile. Mi ali, “Haiba Ni mutanga wa Mulena, mulilo ha u tahe.” Mi ba ba mashumi a ketalizoho ba bubeli ba cisiwa. Ku lukile. Tifo kaufela!

Kakuli haiba linzwi le li bulezwi ki mangeloi mbali li bonwi kutiya, mi sibi kaufela ni ku sa utwela ku fumani katulo ya kona . . .

⁵³ Cwale, ki ye nto yetuna, timana yetatama.

Lu ka banduka cwani, . . .

⁵⁴ “Lu ka banduka cwani?” Mbali linzwi la Elia li tisize sinyeho, kakuli nali lingeloi la Mulena, luna lu ka banduka cwani kanti ki Linzwi la Krete le li bulela? Kamba, lukona kupalelwa cwani ha mu lapelezwi, haiba ki Linzwi la Krete? Haiba Krete na lukisize Keleke ya Hae kuli ilapelele bakuli, mi Keleke kacenu ieza sa Na bulezi U . . . kuli ba eze, kona kuli Li kona cwani kupalelwa? Ha likoni. Mwakona kupalelwa, kono Lona ha li palelwi. Mi haibile fela mwa Li buluka, Li ka mi fitisa kwahule.

⁵⁵ Haiba mu palelwa, mu palezwi ka mina munosi. Mu zwile kwa Linzwi. Kono haibile fela muina ni Linzwi, Halikoni ku palelwa. Kakuli linzwi la baplofita liezize sa *kuli-ni-kuli*, kana kucwani he mo li kabelo Linzwi la Krete?

Lu ka banduka cwani, haiba lu keshebisa kupiliswa ko ku tuna cwana; ili kupiliswa ko ne kubulezwi pili ku luna ka Mulena, mi kwa pakiwa ku luna ki babane ba mu utwile;

⁵⁶ Munahane ka Zona, le li bulezwi ki Mulena. Lu ka kutela mwa mulaho linako zekai? Lu ka yemela kai, ona fa fa hola? Mi Jesu ha na tile, Ki ya swana maabani, kacenu, ni Kuyakuile.

57 Cwale, muhupule, lene li bulezwi pili ki Jesu, Kasibili, mi ki ha li pakiwa ki bene ba Mu utwile. Cwale mu Mu teezeza.

58 Ha Na tile mwa lifasi, Na si ka ipiza kuli ki mufolisi. Na bulezi kuli, “Ha ki Na ya eza misebezi; ki Ndate Ya pila ku Na. Ki yena ya eza misebezi. Mwana hakuna sa kona kueza ka yena Anosi, kono kinji Sa bona Ndate a eza,” Muhalalehi Joani 5:19.

59 Mutalime fani Filipi hana taha ku Yena. Natanaele... Kasumulaho wa sikuluho ya Filipi, aya ku yo biza Natanaele. Ali, “Taha, u to bona Yo lu fumani: Jesu wa Nazareta, ili Mwana Josefa.”

60 Mi ki hali, “Kana kuna ni zende zekona kuzwa mwa Nazareta?”

61 Ali, “Taha, u tobona.” Yani kona nzila ya ku ikolwisisa ka yona: ku bonisa Lika. Taha u tobona. Oh, zani kona zende kufitisisa ze Ni kile nautwa. Taha u to iponela ili wena. U si ke wa yema ni kunyaza usali kwahule, kono, “Mubatisise lika kaufela, mi mu kumalele zende.” Taha u tobona.

62 Mwahala musipili ba ya cwalo, inge ba ambola. Ha na ti lo fita fa Pila Mulena Jesu, Ki hali, “Amubone mu Isilaele ya sina kaiñole.”

63 Za buha litalo la hae kaufela ku yena, ka manzwi amañwi. A talima kafa ni kafa, ali, “Kihande, Muluti, U ni zibile lili? Wa li kuba u ni bone fateni. U ni ziba cwani?” Filipi ali . . .

64 “Mane, ha na mu biza . . .” Ali, “Mane Filipi a si ka kubiza kale, maabani, ha no li mwatasa kota, ne Ni ku boni.” Amen.

65 Ki hali, “Wena u Mwana Mulimu. Wena u Mulena wa Isilaele.”

66 Musali ataha fa Pila Hae, mi ki Hali, “Zamaya, u yo biza muuna hao.”

Musali ali, “Ha nina muuna.”

67 Ali, “Yeo ki niti. U bile ni ba ketalizoho, mi yopila ni yena cwale ha ki muuna hao. U bulezi niti.” Mu nahane fateni.

68 Musali ali, “Muñaka, Ni lemaha kuli U Mupolofita. Kakuli, lu ziba kuli Mesia ha ka taha Uka lu bulelela lika ze.”

69 Mi hali, “Ki ha Yena, ya bulelela ni wena.”

70 Mi ki ha mata ni kubulelela batu ba munzi ali, “Amutahe, mu to bona Muuna Ya ni bulelezi kaufela ze Ni ezize. Kana yo ha ki yena Mesia nji?” Ne li bulezwi ki Mulena.

71 Ki sikamañi sene si ezahalile? Jesu naize, A si ka ya kale, “Lika ze Ni eza, mu ka li eza ni mina.” Ki cwalo kana? [Kopano ili, “Amen.”—Mu.] “Lika ze Ni eza mu ka li eza ni mina, mane zetuna kufita zee, kakuli Ni ya ku Ndate.” Oh, Na ba bona ha ba ya cwalo, kai ni kai. Mareka 16, “Baya kai ni kai, inge ba kutaza; ni Mulena inge a beleka ni bona, inza paka Linzwi.”

Mi fa, Paulusi, u lu fa lika zeswana. Na bulezi kuli—kuli Evangeli ne ikalile ku kutazwa ki Jesu, mi ya pakiwa ki bene ba Mu utwile. Lani kona Licwe la Mutomo. Oh, ku fuyolwe Libizo la Mulena! Lani kona Licwe la Mutomo.

⁷² Mi ka kunahana, lilimo ze likiti zepeli li fitile. Baba sa zibi za bulapeli ba tile, ni baba sa zibi za bumulimu, ni bahanyezi, ni basomi ba ku kakanya. Kono, kacenu, yena Jesu yaswana yani u paka Linzwi la Hae mwa mukwa o swana ka bani baba Mu utwa. “Mu Muutwe,” ha ku talusi fela ku utwa kutazo. Seo sitalusa, ku *Mu utwa* yena. Eeni.

⁷³ Kana lu ka banduka cwani? Ku banduka kwa luna ku kai? Oh, mu bulela kuli, “Ku fuyolwe Mulimu, Ni wa keleke ya Methodist. Ni wa Presbyterian. Ni wa Pentekota.” Seo hasina nihaiba nto ye kana ya kueza ka Sona. Mi uba kwa neku la kwatuko ni kubata ku Li biza kuli “za moya, kamba ngana yeñwi ya mwa booko fela, kamba diabulosi yomuñwi,” kamba nto yeñwi. Maswabi ku bona!

⁷⁴ “Haiba linzwi kaufela ne li tiile ka kupakiwa ki mangeloi. . .” Jesu naize, “Ha ki. . . Fa nako nyana, mi lifasi halina ku Ni bona. Ibo, mina mu ka Ni bona, kakuli Ni kaba ni mina, mane mwahala mina, kuisa kwa mafelelezo a lusika.” Mi cwale ha lu ka Mu bona inza taha, ku to zwelapili kupaka Linzwi la Hae, lu ka banduka cwani haiba lu yendamena kwa keleke yeñwi, kamba kopano cwalo, kamba katengo, kamba tuto nyana yeñwi ya hao fela? Ki hande mu tamuluhe. “Kakuli sibi kaufela si amuhezi katulo ye si likani mwatasa mangeloi, ku cwani he haiba Mwana Mulimu ki yena ya bulela inza li mwa Lihalimu, inza ikeza Iliyena kuba Linzwi! Lu ka banduka cwani, haiba lu keshebisa kupiliswa ko kutuna cwalo?” Oh, mawi! “Mulimu hape. . .”

Timana ya 4:

Mulimu hape inza ba pakela, . . .

⁷⁵ Mutalime se. Mulena na ba pakela. Oh, Ni tabile hahulu ka seo! Mulena na ba pakela.

⁷⁶ Mutalimele. Fani Elia hana inzi fa lilundi, mi ki hali, “Haiba Ni muuna wa Mulimu, aku tahe mulilo kuzwa kwa Lihalimu mi u mi cise.” Mulimu akapa sani kakuli *nali* muuna wa Mulimu.

Mulimu kamita wa yemelanga bupaki. Bupilo bwa hao bu ka ba ni bupaki. Ha ni zibi kuli bupaki bwa hao bucwani, kono bupilo bwa hao bu bulela hahulu ka kuhuwa, linzwi la hao mane ha likoni ku utwahala. Kono, haili—haili kupila kwa hao, bupilo bwa hao zazi ni zazi bupaka seo uli sona. Mulimu wa paka. Eeni. Moya o Kenile kona liswayo, mi liswayo li lwala maneku amabeli kaufela a pampili. Ba mi bona ha mu yemi *fa* mi ba mi bona ha muya kusili. Isiñi fela mwa keleke kono mwa misebezi ya zazi ni zazi. Mu swailwe kwa maneku amabeli kaufela, mwahali ni kwande. Ka tabo ye munani, mi ni ka bupilo bo mupila ka bona,

mu swailwe, mwahali ni kwanda, kuli muziba kuli mupiliszwe ni lifasi la ziba kuli mu piliszwe, ka bupilo bo mupila ka bona, kakuli Mulimu wa paka cwalo. Kufuyolwe Libizo la Hae le Likenile! Mawi, Ni ikutwa bulapeli!

⁷⁷ Munahane fateni, bana bahesu, kafoo. Oh! “Lingu za ka liutwa Linzwi la Ka, mi mueñi halina ku mu latelele.” Oh, kuli mane mabizo a luna a inzi mwa mazoho a Hae! Ki fa pila Hae, musihali ni busihu. Linzwi la Hae kamita li fa pila Hae, Sepiso ya Hae. Hakoni ku ilibala. Mi Wa mi lata.

⁷⁸ Cwale, U ka fa bupaki bwa ba Hae luli. Ha u atamusi mulomo ni kubulela linzwi, lifasi li ka ziba nto yeñwi kuli iezahalile ku wena.

...ufa bupaki, hamoho cwalo ka lisupo ni ze komokisa, ni ka limakazo zeñata, ni ka limpo za Moya o Kenile, kuya ka kulata kwa hae?

⁷⁹ Halu ngeni fela Liñolo lililiñwi lu si ka kwala kale; ka Lizazi la Pentekota, ha ne ba amuhezi Moya o Kenile. Mwendu kasamulaho fela wa mazazi amane, Pitrosi na sa fitile mwa munyako o bizwa Omunde; yena ni Joani. Se bali, “Aku lualime,” kubulelela muuna. Mi ki hali, “Silivera ni gauda ha Nina zona, kono ze Nina ni Na ku kufa. Ka Libizo la Jesu Kreste wa Nazareta, yema u zamaye.” Mi muuna atalimela mwahalimu kusina nahaiba kubuza sika. A yema fela ni kukala kuzamaya. Nebali baana baba si ka ituta ba litimbi fela. Kono Bibebe ibulela kuli, “Ne ba lemuhile mwahala bona, kakuli ne ba zibile kuli nebali ni Jesu.”

⁸⁰ Muzwale, lifasi ha li ziba kuli ubile ni Jesu, haukona kupila bupilo bo bu sa nyazahali mwa lifasi la kacenu le ni mwa lififi le, kuli lifasi la ziba ni ku bona kuli u bile ni Jesu; haiba haiba ya tiile, mi wa mushobo wa matapa lihule fela la mwa mikwakwa haka fetuha kuba kalibe, ya tapile mwa Mali a Ngunyana; Mulimu uka fa bupaki kuli Wa pila.

⁸¹ Munge cakolwa, yali mwatasi hahulu kuli utabela kupuma musala hae, kuli u nyandisanag fela bana ba hae, ni kunga lico fa tafule, ku li sinyeza ku lihule hule fela. Ya cwalo ha kopane ni Jesu nako yeñwi. Mu ka mu bona ha sikuluha, inge wa mioya ya Mpi, ya na li mwa buiketo bwa munahano wa hae ni kuapala hande, kwa bana ba hae ni musala hae ni kwa balatiwa ba hae. Kaniti.

⁸² Nako yeñwi kwa mulaho, mwendi seli myaha ye mashumi amane kwa mulaho, fani bulapeli bwa lifasi ha ne bukopani, mi baba shutana ba yema ni kubulela. Mi ba Mohammedan ba bulela kuyemela bulapeli bwa Mohammedan. Ba Janise ne ba bulezi kuyemela ba Janise; ma Buddhist ku ba Buddha. Mi cwale dokota yomunyinyani, Ni libezi libizo la hae, ka yona fela nako ye. Ne ni ziba libizo la hae, kono Ni li libezi. Na bulela kuyemela

Bukreste. Mi a bulela likande la Musali wa libizo la Maccabee wa kwa Oklahoma, mwa America.

Nali ya sa lati kuutwana ni babañwi imi ya likunutu, kufitela mane neba hane ba ilo mu bulaya, ba palelwa ku mu beya mazoho, nali wa matapa ni mashendo kihona. Ne ba mutamile ba mufa mulato: kuzuba kwai; na zamaisa mbasi yetuna ya batu ni mañolo; mi a loba mi—mi—mi milao, litaba za mwa Oklahoma, ha na sweli kufita mwa nzila, inge asweli kuzamaisa litoho zene za lipesela. Mi neli ya sina likute mwa lipulelo za hae ni masila kufitela ba silalanda hane ba palelwa kuba fa sibaka fainzi; kuli mane, kufitela mane ba bulai hane ba bata ku mu bulaya, ba palelwa ku mu tamelela kunyendaela. Ba mu sela fela sileze ni mafufa, kuli li mu bulaye.

Mi cwale mukutazi nyana yo hana file likande la hae, mwa mukwa wa kuli, mane batu baina kwa mafelelezo a lipula za bona, kuteeleza ze ka tatama. Ha na fitile ku zani: wa matapa fela, masila, wa pilu seta, kufitela mane ni milao ihana kuba ni za kueza ni yena, nali mwatasi hahulu. Yena diabulosi luli wa lihele na ka hana mutu ya cwalo, awa luli, mwa na bulelezi likande. Mi ki hali, “Mitangana ba bulapeli bwa lifasi, kana bulapeli bwa mina buna ze kona kukenisa mazoho a Kalibe yo Maccabee?”

⁸³ Mañi ni mañi muine mukuzize. Mi ki ha kambela mazoho a hae hamoho, mi atulela mwa moya. Ki hali, “Kanya ibe ku Mulimu! Mali a Jesu Krete haana fela kutapisa mazoho a hae, kono Aka kenisa pilu ya hae ni ku mu eza kuba Munyaliwa wa Hae.” Na mi bulelela:

Sishemo se si komokisa! ha ki muhuwo kwa munati,

O pillisize munyandi ya cwale ka na!
Ne ni latehile, kono cwale Ni fumanwi,
Ne ni li sibofu, kono cwale Na bona.

Ki sishemo se si lutile pilu yaka kusaba,
Ki sishemo se si tamuluzi tabo yaka;
Ka bunde sishemo si bonahezi
Hola ye Ni lumela pili!

⁸⁴ Kaniti. “Kana lu ka banduka cwani, haiba lu keshebiza zeo?” Ha mu keshebisa kuca, mu ka shwa. Ha mu keshebisa ku loba kona fa makauhanelo a nzila, mu ka ba ni kozi. Ha mu keshebisa kuhama komu, ika ota. Ha mu keshebisa meeno a mina, aka bola kaufela ku kumuha. Kaniti. Muna ni kulifa bakeñisa kukeshebisa kwa mina.

⁸⁵ O Branham Tabernacle ni mina baenyi, halu boneñi ni mi bulelele nto yeñwi cwale. Ha mu keshebisa kupaka za kanya ya Mulimu, ha mu keshebisa kufa Mulimu tumbo ni kanya, mu ka ipuma se mubatile, ba sihali-hali, mi muwile, leliñwi la mazazi aa. Mufe Mulimu milumbeko. “Lu ka banduka cwani, haiba lu keshebisa kupiliswa ko ku cwalo?”

⁸⁶ Nako se iile. Ni lemuhile fela Muzwale Thom, ya keni fela kwa mulaho kwani. Lu ka kwala ni kuzwelapili ku zona busihu boo, haiba Mulena a lata.

Ha lu lapeleni fa nako nyana.

⁸⁷ Ndata luna yakwa Lihalimu, ku Wena kube limbuyoti, ni tumbo, ni likute, ni kanya, ni butali, ni kutiya, ni mata, kamita ni mita. Oh, ku Ngunyana yani yana inzi fa Lubona, milonga ni mibuso ni lika kaufela ne li filwe mwa lizoho la Hae. Fani ha Na zuhile kwa bafu, kwa kuluka kwa luna, A huweleza kwa lifasi ali, “Mata kaufela mwa Lihalimu ni mwa lifasi abeilwe mwa lizoho la Ka. Ki fo he, muye cwale, mwa lifasi kaufela mukutaze Evangeli.”

O Ngunyana yende yene shwile, Mali a Hao amande

Haana kufela mata a Ona,

Kufitela Keleke ya Mulimu ye liuluzwi

I piliswa, ni ku sa eza sibi hape.

⁸⁸ Aku lutuse, kakuba bakutazi, ka kubona kuli lutokwile hahulu; mo lu lukela kubela ni keleke, lu lukela kuba ni *se*, lu lukela kuba ni lika kaufela.

⁸⁹ Basali ba luna, ba si ka ya kale kwa keleke, ba ipiza kuli Bakreste, bana ni kuba ni ndelesi ya mufuta omuñwi, kamba ba lukela kutina ka bukwalu.

Mi ni bakutazi ba lukela kuba ni masheleñi amañata hahulu ba si ka taha kale, mi ni lika kaufela li lukela kuba *kuli-ni-kuli*.

⁹⁰ O Kreste, hane Ni balile fa, “Mo ne ba bamazaela kwa ni kwa, mwa matalo a lingu ni matalo a lipuli, bapila mwa misima ya mwa mubu, ni mañope.” Ne ba yambaezi kwa ni kwa, mwatasa nyandiso ye situhu, mi, niteñi, ba amuhela Tumelo, mwatasa bulumiwa bwa mangeloi. Luna kana luka banduka cwani, kanti Mulena Jesu u lufile mandu amande, ni limota, ni liapalo, ni lico? Kono lu sa tongoka. Lwa ina fela. Luna ni buzwa. Halu liki kuzwela fande ku yo eza sesiñwi ka zona. Luka banduka cwani, Mulimu?

⁹¹ Oh, Ni lapela kuli U tukise ka mulilo buikolwisiso bwa mufuta wa kale kukena mwa pilu kaufela, kakusasana cwana, Mulena, kuli sicaba sikone ku nanuha ni ku talimela ka tokomelo. Ha lu belekeni ha ku sa benya liseli la musihali, kakuli lizazi li ya lilikela kapili. Mi zwelopili ya zamaya, mi hakuna kuba nako. Ika felela mwa Kuyakuile.

⁹² O Mulimu, lumeleza kuli kacenu lu ye ni pono yenca, ni butali, ni kutwisiso, ya kuziba mwa kuambolela ni baezalibi ni kuba tisa ku Kreste. U twa tapelo ya mutanga Hao, Mulena.

⁹³ Na kupa, haiba kuna ni yomukana mo, ya sa zibi Kreste ka kuba Mupulusi wa hae, u nanule lizoho la hao mi ubulele kuli, “U ni hupule, Muzwale Branham”? Mu nanule fela lizoho la mina,

muli, “U ni hupule. Ni bata kuba Mukreste. Ha ni sa lata ku keshebisa zeo ni hanyinyani”? Mulimu ami fuyole, kwa mulaho kafoo, muñaka. Yomuñwi hape? Muli, “Ni bata ku nanula lizoho laka, Muzwale Branham. Ni bata kuamuhela Kreste, kakuba Mupulusi wa ka, Ni keshebisize, ka nako kaufela. Oh, Na yanga kwa keleke, luli, Ni wa siemba sa keleke.”



MAHEBERU, KAUHANYO YABUBELI 1 LOZ57-0825M
(Hebrews, Chapter Two ¹)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda kakusasana, Muyana 25, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org